

鄧州志卷之八

古延蔣光祖振裘氏纂修

古蹟 藩封 勝蹟 塚墓 寺觀

鄧自夏為建國其來久矣光武起南陽則岑賈之倫
攀鱗附翼趙宋密邇畿輔則寇范諸君子繼牧是邦
其流風遺蹟至今猶有存者夫撫時對景勝概不常
或地以人傳非盡瑰奇偉麗之觀也後之人慷慨憑
吊亦各有會心焉筆之於書雖未能踵事增華或不
遂漸滅無考耳志古蹟

藩封

鄧州志

卷之八 古蹟

夏王仲康封其子於鄧

殷王高宗封成湯之裔孫於鄧

周桓王十五年 魯桓公七年 鄧侯吾離朝於魯 十七年 桓公

九年 巴子使韓服告于楚請與鄧為好楚子使道朔將

巴客以聘於鄧鄧南鄙鄧人攻而奪之幣殺道朔及

巴行人楚子使遷章讓於鄧鄧人弗受夏楚使闔廉

帥師及巴師圍鄧鄧養甥聘甥帥師救鄧三逐巴師

不克闔廉陳其師於巴師之中以戰而北鄧人逐之

背巴師而夾攻之鄧師大敗鄧人宵潰 莊王九年

鄧祁侯享楚子三甥請殺之弗許 詳人物 是年 魯莊公六年

年楚伐鄧 僖王四年莊公十六年楚伐鄧滅之

赧王二十四年秦君封魏冉為穰侯公子悝為鄧侯按鄧

當係魏地 詳沿革

漢樂成節侯丁禮高帝初封為正奉侯以都尉擊項籍屬灌嬰殺龍且更為樂成侯二十六年薨孝文五年夷侯馬從嗣十八年薨孝文後七年式侯吾客嗣四十二年薨元鼎二年侯義嗣三年坐言五利侯不道棄市

朝陽齊侯華寄以舍人從起薛以連敖入漢以都尉擊項羽復攻韓王信侯十二年薨高后元年文侯要嗣

鄧州志

卷之八 古蹟

二十一年薨孝文十四年侯當嗣三十九年元朔二年坐教人上書枉法貳為鬼薪

棘陽嚴侯杜得臣以卒從起湖陵入漢以郎將迎左丞

相軍擊項籍侯二十六年薨孝文六年侯但嗣四十

三年薨元光四年懷侯武嗣七年元朔五年薨亡後

涅陽嚴侯呂騰舊志誤 作勝以騎士漢三年從出關以郎中

共擊斬項羽侯二十五年孝文五年薨子成實非子不得代

府志舊志又有涅陽侯路最 按最所封乃齊地非鄧之涅陽刪去

冠軍景桓侯霍去病以校尉擊匈奴侯後以將軍破祁連迎昆邪王益封元朔六年封七年薨元鼎元年哀侯嬪嗣七年薨亡後

舊志有鄧王王常穰王廖湛 按王常光武封為

山桑侯更始既不成君爵賞尤濫俱刪去

東漢穰侯茂光武初封為中山王建武十三年宗室為

王者皆降為侯更封茂為穰侯

朝陽侯浮茂弟春侯匡子浮傳國至孫護無子封絕延

光中護從兄瓌因安帝乳母王聖女伯榮得襲封及

王聖敗貶爵為亭侯

鄧州志

卷之八

古蹟

三

白牛侯嵩

後漢書注白牛蓋鄉亭之號今在鄧州東

安成孝侯賜子坐楚亭

辭語相連國除

白牛侯商孝侯孫嗣安成侯徙白牛商卒子昌嗣

冠軍侯賈復

詳人物

冠軍侯竇憲和帝永元二年封不受專權自恣四年謀

送帝以太后故不欲顯誅之收大將軍印綬更封冠

軍侯遣就國選嚴能相令自殺

穰侯鄧疊竇黨永元四年封尋與憲謀逆伏誅

三國魏鄧哀王冲字蒼舒聰察仁愛太祖有欲傳後意

年十三漢建安十三年卒命宛侯據子琮奉冲後二

十二年封琮為鄧侯魏黃初二年追贈謚中目鄧哀侯三年進琮爵徙封冠軍公四年徙封己氏太和五年加冲號曰鄧哀王

樂成恭侯洪初封都陽侯文帝削其爵明帝即位拜後將軍更封樂成侯太和六年薨子馥嗣

鄧侯鄧艾

詳人物

晉冠軍侯郭彰賈后黨封冠軍縣侯卒謚曰烈

南北朝魏朝陽伯崔光孝文時以參贊遷都謀賜爵朝陽子以謀謨功進爵為伯靈太后臨朝更封光平恩縣侯以朝陽伯轉授第二子最

鄧州志

卷之八

古蹟

四

北周鄧國恭公竇熾武帝保定元年積功進封隋開皇

四年薨子茂嗣

府志舊志俱入唐誤

舊志唐又有鄧國公竇抗竇慶按北史二人皆

襲封陳國公慶大業末已為盜賊所害唐書亦載抗襲陳國公而不言改封舊志誤

唐鄧康王元裕高祖子貞觀五年始王鄧十一年徙王

薨無子以江王子廣平公炅嗣薨子孝先嗣

鄧國公行休太宗子紀王慎之孫

鄧王寧憲宗子始王平原帝即位進王鄧四年立為皇

太子更名宙明年薨謚惠昭

鄧國公岑長倩詳人

鄧國公張暉以謀誅太平公主得罪公主既誅召還封

天寶五載卒

鄧國公張巡詳忠烈 舊志德宗時封唐書忠義傳不載

鄧國公張獻誠天寶末陷安祿山授偽署史朝義敗以

汴州降封南陽郡公更封鄧國公大歷三年卒

采鄧恭懿王元偃太宗子天禧二年薨贈鄧王賜謚唐按

以後封國皆為虛名案時改贈尤數始存其概

鄧王偃神宗子

舊志又有鄧王燕按宋史茂追封越王非鄧也

鄧州志 卷之八 古蹟

五

鄧王楷孝宗子出閣封鄧王乾道元年立為皇太子三

年薨謚莊文

鄧王錢俶太宗端拱元年徙封尋卒追封秦王謚忠懿

鄧國公張永德太宗太平興國六年進封真宗即位改

封衛國

鄧國公張耆仁宗初封

鄧國公張士邁仁宗康定初封後十年卒謚文懿

舊志又有鄧國公王貽永按宋史外戚傳不言

其封爵

勝蹟

鄧聚左傳桓九年楚師圍鄧卽此

舊穰城在外城東南隅漢置屬南陽郡隋為鄧州唐宋

元仍之今廢

冠軍城州西北四十里本穰縣之盧陽鄉宛之臨駝聚

漢武帝以霍去病功冠諸軍故立冠軍縣以封之後

竇憲亦封於此今城東北有去病墓西北有憲墓

棘陽城在州境東一謂卽古謝國地漢置縣居棘水之陽

前志云棘陽有一介於新野湖陽二縣之間是也

涅陽城州東六十里漢縣應邵曰在涅水之陽水經注

云縣南有二碑碑字素滅不可復識云是左伯桃碑

鄧州志

卷之八

古蹟

六

今碑亦無存隋改為課陽今穰東迤南十里有故址

卽其地涅水今趙河也

朝陽城卽朝陽縣故址應劭曰在朝水之陽今州南八

十里南屬襄陽北屬鄧州

樂鄉城舊志謂卽漢樂城縣故城東漢以後廢唐襄陽

郡有樂鄉城卽此地也今在州西南三十里

小長安舊志在今鄧州東光武起兵與王莽前隊大夫

甄阜戰處按後漢書注清陽縣有小長安聚故城

在今鄧州南陽縣南

東陽聚在州城南宋祐李祭遵斬秦豐將張成處

白牛邑建武中世祖封劉嵩爲白牛侯卽此

杜衍後漢書注云在今鄧州南陽縣西南祭遵破鄧奉弟終於杜衍卽此

魏武城州西南五里建安三年曹操攻張繡所築

臨湍城州西北八十里西魏舊縣隋改曰新城唐復名臨湍今南古縣城卽其地也有後人重修文廟城隍廟碑記尙存

張村城在州西北與冠軍城相去十里疑爲新城臨湍故址

蔡橋城州西南五十里因在蔡橋故名始築無考

鄧州志

卷之八

古蹟

七

穰東城州東北六十里世傳古穰城今穰東鎮西北三里有舊城基土中高起崇禎間居民築爲寨避寇知州劉振世於鎮置館題曰涅陽舊館涅陽城合在穰東之南

擒虎城州西南三十五里俗呼龍虎城

古村城州東南七十里舊志云疑卽漢山都縣故城土人呼爲誤兒城

墨城在州南四十里始築無考俗呼爲黑土城蓋墨字之誤

光武臺在吏目公廨內世傳光武寓跡於此臺右多柏

因名漢栢

太尉臺在州城上世傳鄧禹爲漢太尉歸故里時鄉人飲餞於此因築臺故名

布鼓臺在州子城南門外俗傳光武擊布鼓有聲恐謬舊志云或曾布鼓於此臺耳崇禎癸未李自成踞鄧州防官兵恐其障碍遂平之

釣魚臺一在土城西北隅當引湍河水灌外城濠處一在州北四十里嚴陵河舊傳子陵垂釣於此

百花洲在外城東南隅宋范文正公所營張士遜以鄧國公致仕還第與范公游泳於此范公嘗有漁家傲

鄧州志

卷之八

古蹟

八

詞又有上晏相公百花洲園詩上有召杜生祠碑見遺山樂府嘉靖間署丞黑某捐地舍爲嗣萬歷三十九年知州趙沛重修

菊臺在百花洲內范公嘗移菊潭菊植其中因有高地遂命之曰菊臺見公自註百花洲園詩

春風閣在外城東南隅亦范文正公建公詩有春風堂下紅香滿之句卽此嘉靖間知州張僊訪舊址重建萬曆間知州夏忠復修葺之

竹洞在福勝寺內去子城東南二里許韓文公嘗游息於此

看花臺在紫金山後

雅祖洞在覆釜山清涼寺世傳雅祖習定於此故名

紫金洞在紫金山下宋狀元賈黯讀書於此內鄉李子

田有燈火昔人曾此地栢松秋雨自空山之句

古桃花洞在州治內歲久傾圮知州萬愷重修建草亭

課諸生於其間

偃月池在紫金山後

望嵩樓

漸嘉樓在今子城東南舊州治內宋謝絳爲守時建黃
庭堅有漸嘉樓外花之句今廢

鄧州志

卷之八

古蹟

九

悠然樓在布鼓臺西今子城南門外知州吳大有建順

治初年居民立爲關帝閣

看花樓舊在紫金山看花臺上嘉靖間知州王道行移

置山上今廢

覽秀亭在舊城上宋守謝希深建

嘉賞亭宋范文正公建今廢

碧蘚亭在西禪寺今廢

萊公亭在舊治內宋寇萊公守鄧後人追思建此今廢

遺澤堂卽武襄公故宅孫希顏居姚牧菴扁其堂魯文

靖公有詩

景范樓後人景仰范公所建也

月夕堂貞隱李先生居牧菴扁之今廢

雙桂堂菊泉楊從善與兄逢吉所居牧菴扁之今廢

鍾美堂老圃王百寧所居左丞成公扁之今廢

世德堂義士丁挺所居南陽知府戈公扁之今廢

耐菴李文定公所居經亂未毀鄉人思其德今爲祠祀之

東萼軒在子城東南隅彭禹峰游燕之所嘉樹修篁崇臺曲沼爲一州勝地里人卽其地立祠祀之

讀史亭在子城南門內彭禹峰居

鄧州志

卷之八

古蹟

十

菊花潭在今城東門內迤北二十步相傳泉水甘冽飲者多壽後居民苦于供億埋之然讀范文正公覽秀亭詩云西郊有潭菊滿以金船浮又自註百花洲圖詩云菊花潭在郡之西郊因有菊門復有菊潭鎮今在東門內得非城郭遷移故東西異地歟考抱朴子水經注俱謂鄴縣有甘谷菊潭居人飲之多壽太尉胡廣嘗汲飲其水以愈風疾後司空王暢太尉劉寬太傅袁隗皆守南陽每月取潭水數十斛不聞在鄧州也然宋人王蒙著菊譜有鄧州黃鄧州白而范公嘗移潭菊植菊臺中則鄧之菊花潭當別是一地舊

志云崇禎壬午久雨泉復出礙於城遂捨之庠生張發吉於其地拾宋碑一片鐫菊潭二字徑尺餘深五分許有歐陽詢筆意其小字漫漶不可考僅有武勝軍副節度及元祐數字略可辨識耳

前志稱爲菊井舊志因宋碑及

范文正公集仍改爲菊花潭

錦鷄泉在外城西北隅

落星石在小東關五色陸離不知何年所隕

天師井在大東關街北

八角井在開元寺內

甘泉井在十字街東西二泉相對水極清冽知州楊威

鄧州志

卷之八

古蹟

十一

盛重浚

鐵鍋在湍河南岸黑龍潭沙磧上不知所始經大水不能沒俗言有神謬甚此地舊有聖水寺盡圯水中蓋僧厨故物也又里中相傳動鉄鍋者卽有風雷水患漂沒鄧土崇禎癸未李自成據鄧州遣僞將劉宗閔率三千人連索百數移南二里許又二年乙酉屠鄧州數百里無人跡向之謠讖或應於此順治戊子知州張光祁祭以羊豕以四牛車載而移之故地會文堂在桃花洞內舊有屋三楹歲久就圯知州蔣光祖葺之每月再課生童於其中因顏是額

附八景

花洲霖雨 鐵祠春烟 金山浮翠 禹廟晴嵐

湍水漁舟 六門返照 紅崖勝槩 竹洞禪關

塚墓

五塚在州東南五十里

志龍塚在州東北三十里白牛鋪正北

長塚在州西十里

青塚在州西九十里

黃塚州西南十三里

茅塚州東南六十里

鄧州志

卷之八

古蹟

十三

陳塚在州北江石河前以上俱失攷

秦穰侯魏冉塚在城東門外考史記魏冉葬定陶而一

統志載在鄧州今仍前志

漢前將軍李廣墓在州東南五十里前志雖云見通志

疑廣未嘗葬此

驃騎將軍冠軍景桓侯霍去病墓在州西北四十里冠

軍城內攷漢書去病陪葬茂陵此必傳誤

東漢左將軍膠東剛侯賈復墓在冠軍城

捕虜將軍楊虛侯馬武墓在土城小東門外

驍騎大將軍參議侯杜茂墓在州西南三十里

竇憲墓在冠軍西北

三國魏征南軍司張詹墓在冠軍城湍水西酈道元謂其墓有碑碑背刊云白楸之棺易朽之裳銅鐵不入凡器不藏嗟矣後人幸勿我傷自後古墳舊冢莫不夷毀而是墓至元嘉初尚不見發六年大水蠻饑始被發掘說者言初開金銀銅錫之器朱漆雕刻之飾爛然有二朱漆棺棺前垂竹簾隱以金釘墓不甚高而內極寬大虛設白楸之言空負黃金之實雖意銷南山寧同壽乎

南北朝齊王太守墓在湍水南道側有二石樓題云北

鄧州志

卷之八 古蹟

三

齊蜀郡太守王子雅之墓南陽西河人近墓有雙石樓銘

唐廣武伯李公墓在州北五十里有天寶二年碑

崔府君墓在土城南三里官道傍

舊志內鄉永青山有西齊護國王廟為宋

天聖二年張綸建李裴嘗考搜神記云唐貞觀七年祁州鼓城人崔子玉為長子溢陽衛三縣令晝治官曹夜理寘府年六十四卒元宗封靈聖護國侯武宗加封護國威應公宋真宗東封岱岳加封護國西齊王天聖二年乃賜王廟號之後則知西齊護國王者為崔府君也李蔭著崔府君彈文以為理寘府事者寘不足深辨獨府君為長子溢陽衛三縣令則其所血食者宜不出三縣之外而非所臨蒞者為不當祀今鄧州西南六十里禹山之側有山曰府君山上其廟曰府君廟其額亦曰西齊護國王土人往往稱其靈異何鄧內之閭多府君祠宇也康熙三十年鄧土人於州外城南三里許掘地得石狀如柱礎兩石相

扣一曰唐故博陵崔府君墓誌銘一曰唐故博陵崔府君夫人盧氏合祔墓誌今誌與銘俱不見無從考其官爵名號然以時代與居里証之豈卽所祀之崔府君嘗葬於此而後人因以祀之耶因偶得此石附記之以俟博覽者焉

宋學士賈黯墓在冠軍城內成都范鎮為墓銘太原王

珪誌京兆馮京篆額墓臨湍水上歲久崩陷墓誌石

出州貢士萬會極收藏之

屯田員外郎晁維岳墓在州西三里許有奉議郎霍篋

碑記

豉毋冢州城東南隅金人侵宋時盛瘟疫有老毋煎豆

豉甘草湯濟軍士及亡軍士為築塚立祠焉

鄧州志

卷之八

古蹟

西

元趙長官墓在州東南四十里元鄧州長官趙祥葬此

有姚文正公神道碑

劉整墓在州西南三里許元世祖時將

明江川知縣李威墓在州西南六十里長樂林李文達

公賢之祖勅賜祭田三十六畝

鎮撫知州事孔顯墓在州城西湍河之北李文達公誌

其墓有石碑

兵部尙書忠烈公鐵鉉墓在州南下刁河有荒邱故老

相傳為鐵忠烈公墓公處節南京矣此或其先塋乎

抑亦有義士如收文丞相之骨者乎墓去李文達公

不遠故藍偉過文達公墓詩有鐵冢伴眠之句

贈少保李昇墓城西南三里許少保文達公父成化二
年諭祭葬禮部尚書陳文撰神道碑

大學士文達公李賢墓城南十里刁河之陽成化五年
諭祭葬學士陳文撰墓誌

漢中知府藍端墓

山西僉事藍偉墓 俱在州西三里許六門堤下

南禮部員外郎藍洪墓州西四十八里

兵馬司指揮丁周墓在州西三十里龍虎城翰林李裴
撰墓表

鄧州志

卷之八

古蹟

七

竹山知縣丁昭墓在城北一里許湍河之陽

刑部主事黃凝道墓在城西三里許

武昌府知府王聘墓在城西北四十里

鄉賓萬年墓在州西冠軍城之北

贈中憲大夫彭彬墓在城西七十里禹山茱萸河之陽
而述父

徵仕郎李大醇墓在城東南三里許文定公永茂父

文定公李永茂墓在父墓之右

運副丁如瀾墓在州東五里湍河西岸

孝廉丁之棟墓在父如瀾墓左

孝廉張洪範墓在州西六十里茱萸河上
國朝都司張奎墓在州東三里許奎戰死辰州順治十一年

諭祭葬

布政使彭而述墓在禹山茱萸河之陽康熙六年
諭祭葬禮部尚書龔鼎孳銘戶部尚書戴明說表其墓

鄧州知州尹椿墓在城北三里許

寺觀

寶泉寺唐天寶間自在禪師創建歷代重修

福勝寺在紫金山東宋天聖間建元末兵燬明洪武

鄧州志

卷之八 古蹟

六

初僧子顏重建天順間重修中有浮圖十三層高二
十餘丈內一井相傳為海眼恐其泛溢作塔鎮之

慶祥寺在州西半札店明嘉靖三十八年唐藩創建

開元寺在小東關

喜施菴知州陳良玉建

興國寺在州北高粱

觀音寺在州北朱岡

觀音寺州北夾古灘

觀音寺州北南古縣

聖水寺州西蒼龍潭

鉄佛寺州西北厚坡

保林寺州西北朱岡

清涼寺州西北羅庄

等佛寺州西北梁家庄

保安寺州西北張村

聖金寺州西北孔庄

安興寺州西厚坡

觀音寺州西北枯河

海雲寺州西茶店

觀音寺州西林頭

保全寺州西北林頭

蓮花寺州西洋池陂

應山寺州西馬庄

迎水寺州西園坡

興教寺州西九重院

海雲寺州西九重院

觀音寺州西柿庄

石佛寺州西厚坡

崇興寺州西堰子里

羅漢寺州西湯山

雲跡寺州西湯山

觀保寺州西南龍亭岡

萬壽寺州西南龍亭岡

龍泉寺州西南龍亭岡

佛燈寺州西雙口堰

西禪寺州西南茶黃河

龍興寺州西南桐栢店

鄧州志

卷之八

古蹟

七

興教寺州西南桐栢店

李原寺州西南蔡橋

保安寺州西南長樂林

法門寺州西南蕭家橋

蓮池寺州南黑土城

黃龍寺州南上龍亭岡

彌陀寺州南上龍亭

彌陀寺州南狄坡

龍興寺州南柴庄

龍泉寺州南古村

休心寺州南古村

佛惠寺州東南蓮花池

清涼寺州東蓮花池

華嚴寺州東南大孫庄

崇興寺州東大孫庄

等覺寺州東孟橋

普照寺州南厚橋

龍興寺州東南厚橋

淨居寺州東南厚橋

能仁寺州東柿庄

清涼寺州東平陽波

白馬寺州東懷東

佑德觀州南關元中統問道士趙瑞建明洪武初道士道安重修

貞慶觀州北孔庄

崇寧觀州西馬庄

天寧觀州西南龍亭崗

興龍觀州南古村

景福觀州東浚灘

東嶽廟在東門外

火神廟在南關

五龍廟在子城北門內

白龍廟在太平村湍河南岸下有石潭時啟時閉宋宣和間禱雨輒應勅賜惠潤廟額尙有斷碑可識歲月廟有古楸七株皆大數十圍并相傳爲宋時所封

鄧州志

卷之八

古蹟

六

三



鄧州志卷之八終